



特へ 16
2752
9



門八16
號2752
卷9

書山閣

舟州山人四部稿卷之二十八

吳郡王世貞元美著

詩部

五言律一百二十首

卧病同舍弟於小祇園棲止承淳父以法語見
訊率爾有答

自緣衰相現敢學淨名身室總無天女經唯對世親
空花來處失池草幻餘新解作門中語君非第二人
吳山人見訪值僕病甚謝客投詩為別勉爾奉

酬

舟州山人四部稿卷之二十八

世經堂刻

昭和十六年
十一月十九日
購求

舟州山人稿卷之二十一
世經堂刻
懶入應門倦驕從伏枕生天殊縱吾病客豈借時名
河嶽愁中起風塵意未平所餘青眼在惆悵為誰明
雪中病卧聞舍弟輩游小祇園有作

不作袁安卧其如病所憐虛牕催曙急獨枕受寒偏
見說瑤臺侶同游色界天何時振衰骨騎鶴破蒼烟
除夕病中作

不解成何節驚從稚子傳凍烟催作夜殘雨濕經年
老畏流光擲寒添病態偏飛騰向來意空付一潜然

王復過齋中小酌

高齋寒色甚強爾一杯春酒態深時美交情病後真

菜青初破甲魴紫旋批鱗此具還能擬相適可厭頻
人日病起作

共道春光好猶殘擁被身衆歡同得自吾病始稱人
栢憶金花煖梅憐玉樹新空齋百無味差勝走風塵
京口逢郭山人因東馮汝思

牢落故人盡迢遙鄉路分偶逢東郭子云有大馮君
草色南徐雨鐘聲北固雲還應未相見翻勝復離群
徐州渡口大風

七聖皆迷轍何方可問津生元仗天地去敢避風塵
紅勒桃花咲青禁楊柳蠶倉茫得前館濁酒自相親

遇史蘭谿姑丈

蕭然歸騎車相顧各汎瀾旅食關愁近風塵認面難
老能逢盛世貧且傍微官舊業桃花塢春深正耐看
恩縣道中雨

東風數杯酒細雨三家村行旅片時濕農家素業存
梨花時一暝水鸛忽群喧大有江南色翻然嗟故園
兗州道中懷古

身世竟何限勞勞嗟此行雲為天地色山閱古今名
慷慨齊三士棲遲魯兩生不歸吾豈敢即死向誰明
德州渡口

征途人自怯不敢授春衣山雨將寒驟人烟過午稀
時時瘦馬立徃徃峭帆飛行役毋勞恨于今是
帝畿

阜城道中

春色書冥冥勞歌倦自聽地過三輔紫天近九關青
旅夢從車續村沽離盞醒如何挂冠後更遣役吾形
喜于鱗被召作

物色乾坤滿羊裘尚寂寥忽聞求劔詔實已應弓招
騷雅名終在巢由卧轉驕彈冠豈吾事或可擅漁樵
貽張明府錫剛

一官知久厭何事復泥途自長朱門傲誰憐白雪孤
百錢行處有雙屐倦來扶况是春山裏村村聞鷓鴣
病中書懷上御史院王大夫兼簡郭考功

刺促都門地棲遲草莽臣浮名當日洗畏路暫時新
涕淚仍沾世風塵敢為身艱難心一片寸斷為君陳

其二

自牧孤臣淚知非九辨才天疑將日遠霜肯背春來
肱在先應折腸餘此際迴莫教垂死骨仍作不然灰

其三

淪落豐城劔叅差古獄中嚮來雙犯斗端為一司空

生死恩猶在乾坤事未窮華陰半掬土秋色滿空峒
右上南岷

其四

寂寞千秋事艱危一寸腸不因窮李白那見古汾陽
霜色迴天老春風徧夜郎銜珠未敢報躑躅五湖傍
右簡邠

題項子曲池草堂用原韵

聞君卜築處巧得越江偏宛轉天疑隔棲遲境自玄
草繁雙屐遠花借一尊先况是談經日門人有服虔
用子慎事

其二

小鑿通魚緩幽栖得燕新地方韋氏曲池是習家隣
夢好從難第詩成託有神時才屈指見慎莫怨沈淪

其三

字許桓譚問名因求仲聞鼓楹澆花借一水武夷分
竹裊干雲色蘭滋過雨芬風塵知暫染不愧北山文
項子出新編索序余病未能諷詠來美聊成短

述

浮名人自惜孤調晚堪疑欲定三都價難評幼婦辭
飛揚投筆意寂寞斷絃悲歸遇烟波侶猶能說項斯

無憑

一歸恒在念萬事總無憑病入中年易愁因薄暮增
世情工頓挫吾意豈飛騰漸覺交游少時能覓酒僧

莫叅政子良張山人携飲天寧寺作

東風依步屨愛此禪房幽一雨忽秋色諸天來暝愁
鳥隨托鉢下僧逐鳴鐘收尚有三車喻能同信宿留

其二

久客錢依杖竒探句入囊未禁陶令酒聊借遠公房
辱為葺鉤忍機堪坐隱忘禪心醉頗見倘怨野夫狂

間居

但擬閒居好幽懷可具陳窮交人自貴衰眼事方新
倚酒稱歡伯看經號道民逃儒豈吾意聊以破沈淪

醉贈江上人燕示盛生二首

遠公不戒酒殊足了吾生訪即披衣出呼便托鉢行
別時輕抖擻醉後好縱橫懶說親朋字窮途障匪輕

其二

蓮卷破寥寂花宮驅鬱蒸故人襜襜子吾黨羯磨僧
淨土間從借禪心醉可憑莫題顏遠句人我意堪憎

曾太學携酒見訪作

花宮寂無事屐齒破高眠雙眼乍青白一尊中聖賢

楚材知自足郢調為誰偏更有沈冥趣毋輕與世傳
顧舍人夏日過訪弘法寺

屈指諸供奉誰如顧虎頭還從視草暇時作散花游
雲入松房冷風生茗椀秋頗饒禪悅味能為遠公留

其二

河朔尊堪籍山陰興未殘真成布衣飲未聽崩緱彈
舊好論將盡新知得暫寬江湖何限色太陸有風瀾

答康子

歷落康生在新詩重起予自然燕地柱不草茂陵書
白雪酬知少青雲轉眄踈吳天莽空濶握手意何如

解州山人稿卷之五
夏日寺居即事四首

解夏僧同懶愁霖客漸踈雲霄吾意左天地此生餘
饑即分齋飯閒能讀道書笑他揚得意今日薦相如

其二

剝琢醒高卧中庭栢影移少年頗載漚長日擬論詩
薄俗踈堪繼虛名得自知青山一杯罷相對坐支頤

其三

十年甘削跡不省舊何官人惜遺簪在天容短褐寬
往來寧有托榮悴易為端從此飄然去真無愧籜冠

其四

徃徃推窓坐西山雲色來未歸誠偶爾少住亦悠然
累句初諳俗清尊不負才當時仲宣賦豈為異鄉哀
雨後見月華作

明河十萬斛為我洗澄暉忽覩千虹遶如從七寶圍
丹成玉兔杵花發素娥衣不待過笙鶴緱山思已飛
洪生自楚來見貽五言聊此奉答

暫愛精蘭寂高春夢未迴忽驚白雪倡知自郢中来
秦馬寧雙角江鱸正四腮一歸天地大從我亦悠哉

太保劉文安公輓詩十詠

海宇推黃髮朝廷念碩膚青宮新太保赤鳥舊東

都公嘗參機品極三司貴名尊兩字扶今來稽古力
誰不羨為儒右贈謚

其二

天與滕公室今看更鬱然澤應沾草木光自吐雲烟
已給東園器仍分少府錢南陽有原氏不得擅新阡
右賜葬

其三

帝念桓榮逝沾衣命禮曹恩從上冢極名以授書高
令子餘三鼎孤卿自七牢君看潞水畔流澤尚滔滔
右諭祭

其四

生存公望鬱老去國恩加蜜作尚書印黃頌保相麻
帝綸昭似日雲錦爛生花視草當年地題名醉墨斜
右賜誥

其五

甲第饒清宛荒墳自北印幾人喬太尉能托蔡中郎
雲擁螭頭石星迴蠱尾章卧觀三日者祇有一歐陽
右墓碑

其六

誰道衡門後文章滿漢廷禪辭中使問汾曲

帝王聽一代尊遺墨千秋讓汗青絕憐揚子易只擬
覆人瓶右遺集

其七

八座今何限千秋幾盛名存為世大老沒可鄉先生

蘭玉紛堪植公子孫讀蘋茗薦匪輕春寒介山廟遼

寂寞雲橫右特祠

其八

下第黃俱惜傳經向頗違天留後昆在人許大名歸

宮錦披應獨公居簪花插不稀還看鴈塔上姓字總

相輝右世科

其九

頗憶觀風使能留過式名只魚承露重棹楔與雲平

尊已時三達榮為國五更唯輸布衣賤聊表鄭康成

右達尊坊

其十

跡自山林遠聲餘郡邑崇即看青禁客來傍素王宮

楹夢衰能作衿趨禮亦同河汾有經術端合配文中

右郡邑從祀

酒間贈楚人劉生

黃州子鷺炙煜若珊瑚明日佐宜城酒何如蓴菜羹

世經堂

若為吾楚舞我欲歌劉生但與醉燕市能成千載名

與方侍御步天寧寺分韻得松字

為惜招提近扶醒信短筇迴風爭萬鐸落日逗孤松
禪語時時得秋山處處供祇憐方侍御猶有皂囊封

送王和仲還吳

黃金空插漢詞客豈雄飛缺憶何門是綈憐舊侶非
秋山雙骨立滄海一身歸若過烟霞地為余掃釣磯

新城道中

馬首今何適蕭然愛此身夏霖遷古道秋色佐歸人
稍覺黃沾柳時看白點蘋任它風雨態不解令傷神

滕縣作

齊楚今何在滕猶舊日名浮雲雙戰地落日一空城
野曠猶堪井山貧自不爭遺編二策在終是魯書生

送虛白上人主竹塘寺

去住元無繫師今定若何坐推獅子吼塔許鴈王過
白社經翻早青山錫占多已知香積供難少病維摩

寄明卿使君再覲

述職諸侯禮梯航可厭頻崢嶸仍岳牧偃蹇似波臣
夢入鈞天舊恩沾湛露新如逢

明主問莫擬漢家新

其二

汝厭承明後，于今兩報功。請歌諸國樂，誰似七閩風。
霜益魚符老，天開象魏雄。明堂當計吏，第一是吳公。

送曹子會試

罷醉楓橋酒，乾坤別自輕。如雲偕計吏，捧日向承明。
不必論三獻，無何遂一鳴。平津晚來貴，曾是魯諸生。

其二

紫極春將動，黃河水自開。請看題柱者，誰是斲輪才。
劍煖初辭匣，金寒舊築臺。甘泉倘有賦，

王主受釐迴。

贈方子還里

不謂文園侶，柴門趁病身。將軍無揖客，故國有歸人。
調憶朱絃舊，愁催白髮新。奚囊數行在，知汝未全貧。

海浮子自滇歸，迂駕過訪。值余他出，悵然因賦此寄懷。

十載詩相憶，乾坤鬢共蒼。豈期中散駕，來自寵五鄉。
鳳不題蓬華，星虛聚草堂。何時蒜山翠，花雨對傳觴。

送龔大理出教授嚴州二首

小史輕兒掾，諸生愛鄭虔。擲他廷尉牘，還我廣文氈。
月冷銅官閣，雲分石佛泉。好將孤劍氣，高並客星懸。

其二

千峰建德合一水桐廬流白簡翻相為青袍可自由
門因問字啟客愛解頤留倘逐羊皮釣知君有直鉤

倦酒

春山何限青春酒日冥冥舊社能相命清時漸愛醒
高齋親藥裹鎮日檢茶經縱有劉生頌睢于不要聽
徐廣文先生過飲

即看春事速忍使賞心違白首時情見青衫舊德稀
催來花競手籍罷草沾衣最愛斜陽外扶藜緩自歸

溪僧歸攝山

諸方叅欲盡始悟買歸航祇是心堪了原無法可將
雨侵江令石雲據遠公房惟有春來後居然花草香
久旱得雨

枯已吾苗甚愁深歲事論疾雷翻地軸飛漢寫天門
鼓楫幽從詣為農道轉尊寄聲諸父老一飯亦天恩
顧季狂見過狂談竟月於其行也詩以贈之

雙眼中原合初從故國開雌黃月旦口雄白古今才
碣石將天去巴江引雪來嗒然吾隱几爾辨亦悠哉
其二

久矣墻東避俄驚羊仲從一食詩作崇百戰舌為鋒

汝自談非馬吾寧好似龍祗應拋麈尾杯酒日從容

乞歸不允

罷歸安計拙衰至怯恩深自飲終天淚誰伸去國心
一官堪屢擲千載欲平沈見說箕山畔雲霞未易尋

其二

風塵何意味物色到山家麈尾聊須擲羊皮敢向誇
出真成小草得亦是空花陵谷須更事吾生未可涯

題贈徐常甫卷後常甫有通人之德王百穀為傳傳之且要余詩贈焉

知君是通隱賞藻亦吾曹節自披裘著名因結襪高
一經元汝在三管欲誰操舊有南州榻春風共濁醪

江上別楊都督瞻美子念道振諸君

此別不成遠如何揮涕頻酒分南北路身是去留人
蘭省羈難第柴門立老親十年高枕在那忍付風塵

秋日趙司農劉水部邀游雲龍山放鶴亭同子

與賦

地屬黃樓守樽開畫省郎大風來芒碭飛塋捲河梁
鶴不歸殘照人今醉異鄉馮欄一翹首天地漸蒼茫

其二

憤為登高岸亭因眺遠孤河流天不盡山色雨頻扶
千古雙雄略中原一病夫予時有微恙阮生廣武歎感慨

亦吾徒

八月十五夜濟寧池亭別子與

月自中秋滿人從此會離由來最圓夜翻是欲虧時
玉魄斜穿樹金波細溢卮清光轉應好脉脉待看誰

中山道中

一笑復一頓此來寧係身少為強項更老作折腰人
與醉中山酒聊偷故國春浮雲天北在瞻眺欲傷神
余舊游魏郡日有雙魚之饌今絕不可得問之
則河徙故也戲成一章

十載叨游魏雙魚饌事實驚刀催霰舞象筋壓霜寒

滄海欲陵陸黃河能釣竿思歸別有念不借蒯緱彈

阜平道中

馬足時陵競顛崕古道橫山從一澗坼水奪兩崖鳴
徑路疑欲盡人烟俄自生夜深見燈火三戶是孤城
與故關張將軍談舊事有感

太息時才老殷憂戰地深毋談舊開府吾聽忽沾襟
賣劍中牟事傷弓此日心唯應解嚴後歸釣五湖陰
黃寺署中偶成

馬縱知嚴解鴉歸覺訟虛放衙居士眼隱几道人書
市遠沽無酒池清釣避魚一官何足忌千載不關渠

為成都督乞教士

寇盜憂三輔安危詠大風飛書玄菟塞學劔白猿公
稍奪崔符膽寧希細柳功干城念汝在吾事五湖東
余携大名魏生至順德復得二趙生論文日久

酒間有贈

二趙俱趙產魏生復魏人已欣照乘色重以連城珍
再別恒泣楚完歸翻過秦沾沾余自得不作暗投論
同年故劉侍御德純枉駕行營對酌有感往事
因贈劉戎窮邊始歸

十年瀕死境兩地倦游身今日中山酒真成隔世人

成樓談後月野店醉餘春最是堪留處更籌何太頻

秩滿三載移牘有歎

躑躅今三輔婆娑舊一官原無出谷想不驗觸藩難
下考吾能注頭銜自懶看未須啼謝豹物意總闌殘

其二

厭說青齊舊依稀十二年薄游鷄肋味多難馬蹄篇
故吏俱先達斯文別有權衰慈殊未悉豈以太湖田

除夕張山人分韻是日有浙藩之報

除歲逢除日寒歸客未歸年華落日盡節序少年非
得汝當藍尾慚予戀紫衣那堪酩酊後鄉思獨翻飛

其二

濁酒那堪頌椒花爾興新自憐遲暮意初作量移人
雲迫中原晚霜含故國春一年唯此夜蓮漏莫教頻
張忝議肖甫由廣西入 賀得書有寄

已分鴻書斷誰憑驛使來星從南極至天向北辰開
王會千官禮嵩呼萬壽杯君家金鑑錄况是曲江才
禮部諸曹丈携尊萬松庵

把袂堪吾黨鳴珂起倦身相逢散花地俱是握蘭人
薄酒交從厚清言具不貧春卿芳署裏自昔和陽春
答楊中丞伯謙時以巡撫山西移病歸

雙魚銜尺素知爾貢丘園一雨卷龍德千烽騎鴈門
賜環

明主事推轂異時恩為問雲臺上丹青誰更尊
寄張尚寶叔卷尚寶前御史以言事罷起按三
輔嘗首薦予

霄漢重游地風波百折身一官新尚壘三輔舊埋輪
霜色凌清禁天顏許近臣獨慚虛剪拂矯首屬車塵
過于蕭然公墓歲復為已已公立大功之日距
今兩甲子矣

正統逢今歲胡塵日曾蒙乾坤三已已社稷一于公

不作青衣辱依然

黃屋崇禔連賜塚地石馬汗秋風

入南屏山路

一入南屏路悠然與世疎
游人柳枝曲禪客藕花居
暖氣催鳴蛤泉聲跳伏魚
雙壺挂籃筍佳處莫教虛
始訪前奉化令徐徵君

避世雖君事高名可遂忘
未過徐穉宅虛表鄭公鄉
羅逕春從覆蓬門日轉長
還應卻鹵簿小艇共滄浪

其二

彭澤不愛酒江州無奉錢
遠山將入供殘日佐談玄

坐徙空庭暑涼生高樹
蟬指君東壁挂借我北牕眠

其三

小築城南地誅茅苦未齊
還聞綠蘿館幽托白雲棲
別岫寬猿宿空林恣鳥啼
無心隱大小隨意跡東西

君有精舍在山
中近始城居

月夜與惟敬浮玉島飲

惟敬嶺南人

山色深於染湖光澹却無
地真排玉案人似入冰壺
莫倚珠崖廣還憐碣石孤
布帆看不盡幽興自吾徒

寄皇甫子循僉事

籍甚時名在脩然晚境長
五言唐大曆群從魚魯靈光

白亭多新曲青袍少舊行近聞寬勝事簫鼓出橫塘

季俸不至而故人日有來者戲成一章

官閒去鄉近罷案且婆娑家釀飲垂竭舊書看易過
庭烏公事少簷鵲故人多儘自堪藏拙其如負進何

寄贈楊二先輩

韋門經是業荀氏德為星勲烈開鱣座詩書自鯉庭
蟬聯三綬紫鴈序一衫青好就河東賦吹噓入

帝廷

孫鴻臚於群從中官薄而詩佳授予滿卷因成
以贈

亦知群從貴眉白轉憐渠掾豈一言得名應第五如
鏡湖寬賜沐禹穴縱細書誰辯郊居字新篇定啟予

病驥

病驥從他贖依然去箝箱已知無伯樂何必要田方
舞摺貪飛將呼芻憶六荒人間原未識天上宿為房

寄少卿劉翁世凱

萬死孤忠在千秋一跡遙

主恩留大耋天意見清朝泌水猶堪樂絲田肯受招
中興有奇事金紫聽漁樵

吳興雜興十首

倦骨風流減清時月旦新湖山堪卒歲案牘動移旬
拙宦甘除目虛名苦趁身此方色猶菜忍說郡厨貧

其二

鹵莽天心過蕭條國士知一官堪自免再出竟何爲
糲飯供殘牘篝燈助小詩不煩期馬革端合號鷓夷

其三

接天唯白水不枉喚湖城棄月宴游少茶山租稅輕
秋水淪蓴菜晴雪鱸鮓差出入青油舫真成畫裏行

其四

爲嫌十口累伴影獨寒燈出暫呼官長歸仍似野僧
得來那一實受處亦無憑莫擬謳謔贈身今少愛憎

其五

吳興古名郡宦路亦清幽茗冷尚書社蘋稀刺史洲
地偏朝事絕俗美寓公留獨愧烏程酒虛名似督郵

其六

湖山間即出風雨却歸來薄宦終詩草歲名是酒杯
折腰斯世責攬鬢異時才物意吾能解毋煩白簡催

其七

舊事停車得遺風掌故傳魚租釣臺渚火耨畧山田
烏鬼秋常放蚕姬夜不眠唯慚訟庭內不得施蒲鞭

其八

寄語諸鄉曲清貧好自誇山田供老母月俸上官家
蕩口携來酒天池寄得茶止羸茗峴勝飽看不為奢

其九

掩卷將何道凄其歸思濃名微真馬走官拙自龍鍾
歲月辭何峻乾坤老漸容浮雲衆鳥去落落一高松

其十

上書知不報解綬且謀歸嗷嗷堪巾幘婆婆憶布衣
酒如清渭水尊似北山薇薄晚詩名賤于今未忍揮

武林遇李太僕歸省有贈

車從都何甚風塵意不關文竈狗監音官是馬曹間
薄有尊鱸興那因桂玉還青門四明客早晚向仙班

其二

間客平津即仍游七子場歌成遷幸舍賦上謝昔郎
天自游燕近山從入剡長雲霞護青雀送汝過錢唐

送閩帥狄君入賀萬壽

庚午王正月嵩呼萬國同波臣上金鑑

天子宴彤弓僊露迴顏紫卿雲挾綬紅還應栢梁和
驃騎有雄風

周恭人悼亡

婉麗蕪三德辛勤佐一官即知丹第好曾斷素機寒
挂魄銷何易蘭魂返更難那堪悼三鬢此夜欲如潘

其二

曉素猶聞舉春蚕未罷工泉臺人自玉藜閣管堪形
寂寞魚軒冷淒其蕙帳空周郎能顧曲慎莫唱離鴻

題蘭湖秋色圖送王吏部

秋浦木蘭檝青雲鷓鴣行時人歸簡要循吏有輝光
水鏡元同澈露桃難共芳芙蓉池上客誰不向王郎

弇州山人四部稿卷之二十八

弇州山人四部稿卷之二十九

吳郡王世貞元美著

詩部

五言律一百二十首

冬日憇舟嘉樹林小飲

仲冬好風日故山嘉樹林信履觸幽賞改席就清陰
青葱冒霜草啁晰先候禽人生貴所適毋為懸別心
答魏允中

郵函旦夕至似汝尺書無眼欲空三輔心仍折五湖
何人充駿骨念我報驪珠好去連城在秋風看過都

問華起龍工部

生今杜門處春草故人踈罷讀考工記俱稱行秘書
毋云計左矣吾亦賦歸歟見說君山色蕭條宦興如
即事呈邢邵二醫

春朝視膳罷次第檢方書薄宦人皆有窮愁老自如
枕移啼鳥後杯到落花初况是談詩懶無勞客起予
其二

麥雨冷將熱庭花朝自昏漁樵初入耳鳥雀已窺門
不論宦情薄祇言醫道尊年來秫田歉為爾罄芳樽
答王禮部言卿

禮樂逢昭代文章屬盛年名從赤縣得官向紫微遷
倚玉憐余弟投珠念汝賢春卿古芳畧應許和歌傳
璩敏仲見訪作

詞客不寂寞到來令坐薦今朝下懸榻強半為璩生
笑語縱橫進圖書次第評此中殊有味何必傍時名
予分部吳興日圓上人住弁山了不相聞既遷
晉臬歸里請告未遂上人忽錫杖肩笠以一詩
見投且致郡人之思談禪竟日倏爾告往遂成
二章送之

抱病日悠哉衡門雨漸苔乍傳飛錫下仍以施珠來

護法吾何敢逃禪酒自哈相聞峴山社翻為遠公開

吳興諸名勝結社峴山邀上人入會

其二

道汝弁山住弁山無汝蹤念予托一鉢揮手謝諸峰
小果聊遺愛空花是舊逢乾坤大檀越到處好從容

贈王山人

五嶽游欲遍歸來鬢尚玄藏名詩句後避世酒杯前
久客鄉音改無家旅興偏翛然喚雙屐揮手向江烟

寫懷寄舍弟

除書何足問已自乞歸耕不必山公啟俱先海內名

鼓鼙秋轉急幕府歲仍更賴有疎慵在猶堪寄此生

其二

休沐無它事清狂為爾陳身將數酒伴名挂一詩人
物意安吾拙時才捷有神不知投老計何日定為真

周君自大官令出太僕遼左飄然挂冠今年五
十矣而顏尚童其婿一龍余從子也乞詩為壽

我愛周郎美雅如上子猷官閒騎曹馬興盡剡溪舟
坐客中清聖園租比素侯白狼河畔雪知不上君頭

其二

少日佳公子中年賢大夫白迴司僕馭祗憶步兵厨

入坐峰峰玉揮毫字字珠龜貂未全敵時付酒家胡
將之晉任離家有感

白緣休沐久安作里中人強起從時意遲留惜此身
舟凌荷芰蒨門掩薜蘿新無那尊前客晨星個個淪

京口別送者

拋君江口棹盡我手中卮垂老本難別欲歸翻狎離
轉頭吳地近抗手晉山遲豈必耽微祿浮生本未期

過滁州邵少叅

邵越中舊寮也

過君駟馬里逢君五馬還乍看仍似夢稍定各開顏
白葛涼從進清尊別任攀環滁衆峰色彷彿越中山

途次贈孫尚寶龍時以千秋入賀

汝自輿司馬憂時涕淚懸宸楓九地隔疏草萬人傳
天意存孤直臣心轉更堅承華一箴在知不愧先賢

太原道中書事

盤陀十二驛驛驛似西川畢竟中無地還疑小有天
居民同伏鼠宿客傍棲鷲不待蟬聲苦秋霜向鬢邊

其二

不斷峰巒色何由見晉陽傍山兔三穴入地鼠千倉
項為泉奔瘦牙因棗熟黃吳兒莫相笑風俗古陶唐

送陳太僕忝政蜀山

久宦無前輩推遷自至公空群辭薊北叱馭指褒中
益部星初動并明險對雄還將在嗣績一頌擬清風

中秋夜從侍御饒公登明遠樓二首

今夜中秋月浮雲裏自橫未添三晉瑩只避五星明
小坐杯頻轉清言燭屢更霜威暫時失桃李欲敷榮

其二

黯澹千山暮憑闌首重迴虹爭汾水上雲擁太行來
漸老驚先達多艱急異才今宵遲月色須為繡衣開

邀李表二使君小飲

忽忽秋將暮悠悠欲傍誰無才薪自積有祿桂從炊

貪作傳杯過數為同舍期南冠咲相拭莫使晉人疑

初入謁 晉即陳常侍要飲別墅作

別殿沾恩罷逢迎有大璫自云東第好只在小山傍
曙月侵金耐流雲斷粉行為傳趨府近促拍按飛觴

其二

河東張特進老不愛人扶圃為延賓學尊從罷直呼
食單黃頰臙酒味紫醪酥取適須更事沈冥即我徒

再從諸公飲陳常侍別墅

小割虜祁地聊為梓澤園杯從三雅貴客有八公尊
膝席寬賓禮牙盤侈國恩猶言朱印俗揖向棟花村

其二

偶爾明簪盞仍勞倒屣迎
鬪茶中貴好賜醴
主君情果取非時味
花多別創名不論休沐
否省事
曉來清

晉中得亡妾信志感

歌鹿初停奏來鴻已歎離
一棺誰傍汝兩口別稱兒
拭淚偷潛滴關心忍自支
丈夫多意氣元不為蛾眉

其二

苦憶登車日雙眸強暫回
已真成死別翻更怯書來
玉筋難收恨朱絲未作灰
和家後園李子好令枝摧

其三

我更三千里兒驕女又癡
最憐垂命別誰作有情悲
舊幌教涼住空箱傍夜移
戢身無寸土西閣已先辭

其四

十八年中事居然一夢非
未論調瑟好所憫抱衾稀
強粥供啼乳篝燈問緝衣
辛勤意何限脉脉付斜暉
歸路寫悶

夜半呼厨飯欲餐還不能
路危心轉迫天遠足無憑
已覺仍疑寢無言忽自磨
遙傳伏枕在知復倚門曾
其二

因過長子縣愈重老親思路任羊腸險書嘖鴈足遲
往來山色異迎送物情疑不那三千里長縈方寸絲
聞臺評不行有感

縱令寬謫籍豈敢問朝班雨雪人回首春風自掩關
窮途出處外垂老是非間愛此浮雲色儵然逝不還

其二

當時爭臣論夫豈謗書函執政寬相假流言轉自慙
本應呼第五不合受朝三遂我初衣後秋風農圃諳

謝華婿餉紫檀梳匣

吳剛月中樹斲作紫瑤箱得借衛郎潤長沾荀令香

寒暄奉巾幘早晚見行藏投老緇衣日毋言棄置傷

贈温州周生才甫

籍甚詩篇美飄然步履過停杯顧誤曲彈缺出悲歌
客禮龍門重鄉心鴈蕩多永嘉風物好其柰壯游何
新安汪惟一徐使君子與門人也以嘗侍李于
鱗先生刻其白雪樓集賦二章贈之

客有儒中俠人憐身後名言從徐孺子得尚濟南生
山水存遺操水霜問舊盟莫將青鳳翮到處覓蕪城
其二

識汝沾沾意曾因御李君死猶能借客生可罷論文

附驥吾何有登龍世所聞祇應今夜月鶴背悵離群

贈白雲上人

愛汝白雲色蕭蕭佛日間有時歸法鉢無意卧禪關
生滅了何礙卷舒長自閒尋常足避世莫買沃洲山
為曹比部送長洲張令入佐比部郎

我愛張平子賢聲衆不如棠陰過夏茂鳧影入秋舒
已製吳門錦還司城旦書曹丘能念舊不惜重吹嘘

其二

列宿徵書重千夫擁旆遲令君青雀舫僊吏白雲司
漢法霜同峻吳郊雨自私度刀吾舊佩脫贈為明時

沈母輓章

範子成公父宜家是伯鸞閨中新鳳詔機畔舊熊丸
慈竹吳江冷啼魂蜀道難欲揮彤管述心折淚仍殘
病後程子訪我園居小飲作

起色緣君動銜杯轉自真材高聊翫世年少不窺人
池草詩情晚巖花酒態新即論吾黨外誰不傍風塵
答徐文果

自失而翁後風流思不勝絕憐徐孺子時及柳吳興
天目寒逾峻湖心雨自曾菰蘆最深處鱗素一堪憑
大梁王君用章既去崑山為客部副郎邑人俞

仲蔚集古語為八詠餞行要余與家弟和之
各得四首毋論其辭之當與否而感德懷賢
要自不異也

威鳳棲梧桐

聖時不虛瑞有鳳下高桐含苞媚朝日鳴律蘇春風
攬德輝何晚將雛曲未空俱言阿閣貴非仍枳棘叢

桂楫汎河中

汴水似天河星查暫一過鳴鼉徹遙漢飛鷁凌清波
洛客思歸引吳儂于為歌不取支機石其如壓載何

處處春雲生

春雲處處生藹藹復盈盈恍如飛蓋落忽與去帆平
洩彩迥迥照乘虛薄太清惠休無怨別早晚麗神京

軒蓋照墟落

半刺威儀重典客聲名高徵賢下梁榻問俗見干旄
翠鳥晨雙去瑤琴夜一操祇應今仲蔚窮巷又蓬蒿

輓楊都督尚英四首

劍珮先辭漢樓船舊姓楊一歸肝膽赤百感鬢毛蒼
客與金俱散弓將鳥共截西州華屋地何處不堪荒

其二

壠樹縈幽旆江城咽暮笳風摧大將樹霜剝故侯瓜

越甲初滋蘇吳鈞不吐花一貧應莫歎去病肯為家

其三

雙挽角弓強橫行鐵襖福虬髯將施草猿臂已生揚
病詫千金骨恩留一寸腸祇應誇畢萬終覺少馮唐

其四

鯨海氛誰掃麟臺跡尚存生教僕射宅入作奉誠園
勢去通侯冷時平醉尉尊山陽夜中笛不聽已消魂

奉寄翁少司馬

三持直指節兩拜夏官無身力從

君父行藏有重輕盡拋封賞去不減孝廉名祇恐干

星象羊裘隱未成

送陳司訓遷高郵

不斷江南北春風桃李香珠還收壁社劍已鑄干將
少鬱衝星色仍開照夜光儒官到自好何必去游梁

李時養授室

那輸謝傳墅聊具戴生裝白几供碁隱青衣控酒狂
稍寬懷土切莫怯受恩長但使比隣健過從日不妨

寒食

故人日以故新家歲行新自惜無涯智翻随有限身
落花寒食節芳草舊園春任是風光好那無淚滿巾

送徐子與之閩憲

踪跡乾坤滿行藏歲月深一官初汝報雙鬢莫愁侵
霜色惟從動星文劍可尋差我鰲頂上時復快披襟

其二

一馬驄仍健當年五馬才水憐丁字舊人喜細侯來
鱸徒閩天雨虹攄粵海雷彈冠豈吾意把袂獨徘徊
寄穆考功蕪簡石給事

穆生醴酒薄邛氏宦情微人昔水壺是官今水鏡非
風雲千態出天地一身歸予亦窮途客因之賦采薇

其二

物意毋深歎君今試自看枕高歸卧易釣直釣奇難
漳水魴時上淇園竹漸竿有書堪送日何必問彈冠

其三

故人有羊角一疏忤龍鱗生死交情在行藏世事頻
還將孤憤意俱付耦耕人倘遇栖栖者春風指問津

其四

聞君讀書處乃在清漳源小爾新逢徑居然故漆園
暗芳書草蕝空翠墨花翻若語逍遙意寧將出處論
寄部侍御部時以按嶺山西有所論劾不合移

疾歸魏

一去寧因疾孤臣敢愛身年華開對卷風裁出埋輪
竹寫淇園雨花明澶苑春還將獨行意解作倦游人

其二

休沐知何意浮雲萬事停心懸魏闕紫澤滿舜都青
懶不談齷笑醒難頌酒經唯應杜門處玄思入沈冥

為小江陸君題號兼寓壽

君家何處住小割吳江東浦色輕橈外濤聲高枕中
素封千樹足綠友一甌空里社前為壽兼聞報歲豐
向生上脩名臣錄採及先事賦此贈之

君真向平後不作里中居手扶先賢傳人呼行秘書

羞言陳壽米畏上桓公車倘及嘉隆際孤臣涕淚餘

程廣文先生德甫博學能文章用睚眦去其宮

鬱鬱不樂將北游淮楚以紓其志賦此壯之

貧有寒糴在狂憑東卷誇一官文自左百感氣仍加
白雪人人耳青山處處家物情論且盡吾意屬烟霞

其二

我遇伯休父人稱行秘書宦游終不達留滯竟何如
霜色淮陰釣寒雲孔氏車不須論束帛一飯莫教虛

夜泊胥口汎月作

灝氣將從合波光忽自開初縈匹練動如擁素車來

出沒青千岫縱橫玉丸坡高吟烏鵲語橫槩亦雄哉

包山寺

山名從鮑靚寺榜尚蕭梁地擁諸峰合天容一刹藏
松楸深自老橘柚早能香隨意普僧供支筇禮上方

毛公壇

但傳毛公跡不識毛公誰丹井久成沒白雲無復期
一僧酬對少雙屐厭歸遲自昔牛羊地多於鸞鶴時

上方廢寺

蒼翠望猶合丹青看漸微化城隨劫壞貧里見僧歸
古木徑路改空山樵採稀蕭條住心退迤邐下斜暉

明月灣

揚舲汎渺漫秋氣逼尊寒早餉炊烟合人家魚網寬
波心插柳翠石骨嵌楓丹此夜水輪色千羊水殿看

泊東洞庭舍舟行山習作

孤舟厭水宿步屨不知疲山靜泉聲遠天空夕照遲
松門入窈窕石壁露參差欲語會心處悠然支策時

贈蔡大孝廉

九十三翁之子也

誅茅小隱地授草里中師時着萊子服從呼蔡克兒
為親恒諱老攬勝不稱疲語及承權事潛然吾自悲

贈蔣太學

深山愛淳朴况爾足書詩雞黍鄉情見蠶桑歲事宜
不愁新釀乏隨分短筇支是日蔣生徑唯應二仲知

助甫雨中集

至後迴陽小尊前發興新片言千里駕孤憤十年身
寒色來今雨水心問故人毋論素衣並斷不受緇塵

呈助甫

訪我將何意河山抱獨愁汝南無月旦吳越有春秋
新序漸中壘豐碑憶太丘楓橋小時泊爭喚孝廉舟

劉翁贈光祿卿

生作郡中正歿稱光祿勳

王恩寬自及名德遠偏聞宿壠新朱戟雕甍舊白雲
詞頭下西序字字五花文

劉光祿入鄉祀

身是遺民裔居為通德鄉文章高郢里耆舊比襄陽
祠廟松楸古肴蒸蘭蕙香諸孫大官具瞻祀有輝光
過莫丈方伯園亭示雲卿

不愛泖中色愛君池上閒水綠書字黑蘚奪鬢絲班
名理輸前輩風流亦可攀嘉賓儼在側誰敢不脩顏
聞補楚憲之命四首

天入衡門近朝將整綬新五投歸畝疏兩作起家人

白雲元推卸桃花不避秦官情吾豈薄野性恐難馴

其二

晉楚吾何擇山公意不輕虎鬚驚往路鷄肋歎浮名
病入園林癖衰鍾兒女情家鄉事事好物態一堪評

其三

當年成小草此日動菰蘆顛倒尋章服次且散酒徒
廢家方悔俠移谷舊甘愚一出一回老還堪覽鏡無

其四

兒輩粗能立

君恩轉似濃春光催駘蕩吾意獨龍鍾味入中年成

名憐末路容武昌魚價賤罷釣一相從

大中丞方公定之以嶺南諸什見示奉酬一律

度嶺天全近留霜瘴自徂鬱林人比石合浦字為珠
念欲酬清郢神應索大巫將壇新政外許似祭遵無

送莫公遠游燕

南游不得意策馬向燕中久客家難定清時計漸工
歌緱渾欲削膏首已如蓬為報

今皇事弘開碣石宮

送歐陽判官遷兩淮運判

飛蓋一江隔棠陰兩地餘水經初罷註

君任水利曾
著水利考

鹽筴旋裁書官為清時好家因薄宦虛亦知鮭菜賤
慎莫歎無魚

贈大中丞董公淑化

公舊按江南
今仍領節

屈指中臺彥無如漢董君舊為驄馬客新領鸛鷺軍
組練遙明日樓船上屬雲亦知燕俎豆三策向來聞

其二

公副晉臬
與余善

共誇三晉地前後擁朱輪人自風塵老公偏日月新
更衣向星使把酒慰波臣總有明河在蹉跎敢問津
赴楚出門即事有感

江山雖自好其柰倦游情酬酢無同輩行藏似隔生
低眉新禮數染指舊功名豈有雕蟲客能為世重輕

其二

亦曉功名際踟躕計未真暑憎腰帶重衰怯鬢絲新
欲作思歸語其如送遠人嬌兒白似雪渡莫喚爺頻
六月盡立秋安慶道中

七月明朝是孤舟病客非秋爭一夜早暑可片時歸
怯引青菱鏡衰歟白苧衣誰能作桐葉取次便先飛
江行病起即景有感

涼色推蓬後潮聲進艇中青山兩岸合銀漢一江通
豈謂清涼界猶殘老病翁羞聞暫養翻謂可縱秋風

七夕江州道中

令節從誰賞扁舟興自賒
寒江餘酒曠遠市少茶瓜
不擬明河詠從他上漢槎
殘機未成匹吾醉一思家

其二

彩艦凌波上宛非塵世間
鵲橋元漢渚鶴駕自緱山

七夕王子喬乘鶴緱山

天意高難乞吾儕拙更閒
迴光總如練

或恐厭衰顏

病阻潛江口

獨棹阻風地孤燈伏枕身
乍驚寒刺骨小間暗傷神
分與藥餌絕况無僮僕親
新醕暖兒輩誰念不歸人

答陳淮安王叔

陳楚人也

美入政成後日晏但鳴琴
貽我淮南曲蕪操郢里音
調孤春雪好寄遠白雲深
欲往高樓奏應悲兩地心

其二

武昌黃鶴樓亭亭天南際
所少陳登卧空令王粲游
三秋鴈書至五月梅花愁
莫作殊方語清淮是楚州

順甫晴川閣分韻得萋字

樹色漸萋萋烟波四望迷
江將朔氣入天逐暮雲低
如夢尊前燭相催曙裏雞
所誇文苑傳王魏或堪齊

又得洲字

莞爾心相慰愴然思舊游武昌情作柳鸚鵡恨為洲
拂檻星河動聞箏鴻鴈愁莫言春酒竭天別是糟丘

有感

懶慢嵇中散摧殘屈左徒片言交可絕九辨夢為俱
骨相由來賤書生老更迂不須談腐鼠前路有江湖
京山過故王侍御時育宅有感因伸薄酌仍許
為其子銘墓

漢賊不兩立臣死安足辭唯憐請劍恨猶鬱蓋棺時
喬木風霜老宸章日月垂今朝南史筆無忝太丘碑
聞粵西除命有作時以楚臬迫將入計

歛然除目下呼酒一為懽豈謂沒荒易端憐入計難

衆榆元愛暖蒲柳自知寒日晚從休沐將因托挂冠

其二

長沙七千里過此更沉沉汨沒非吾責歸來是夙心
蒼梧眺不盡白髮話未侵縱有東風在幽蘭寒意深
游匡廬不能從南康道入取瀑布石梁之勝志
歎

我躡匡君背未叩廬山陽峰外漏銀漢雲端封石梁
阿蘭地寂寂籃筍天茫茫安得騎白鹿携家住柴桑
輓何翰林元朗

才藝張平子風流賀季真
繼新文苑傳無復語林人
身老收書癖家餘縱酒貧
吳趨翠眉伎強半為含顰

賀吳母

人八秦

非大藥紅諸孫多薦鶚
大母為九熊賢管自彤
年年來僊葬陽羨領春風

相墓

戰孤墳始一杯樹童烏
自徙溪老懶堪留事無窮
死外愁才名世人共天意
獨悠悠

上地無復舊花枝
夙昔銜杯客今來挂劍誰

風流一慟盡山水寸心私
若語藍田重非關有滕兒

送屠比部省侍司馬公歸四明

由來白雲更多與滄洲期
及爾拂衣請遂當娛彩時
無須大官膳且采商山芝
寄語家司馬堯天日正遲

送顧文學歸吳下

吾念顧元歎浮名衆與同
舍從彈鋏幸文向斲輪工
齒髮神明外行藏感慨中
諸僮未應悉還汝舊江東
游蓮花庵西水亭得南字

一雨勁柔籃千花弄晚酣
僧來誇世外吾醉憶江南
涼色深茶椀溪陰逗葛衫
吏人排馬急母乃報朝參

送汪光祿遷南京尹

晉室丹陽尹漢時光祿勳雲依故都合星自禁垣分
九列人堪老三朝事可聞江東吏人在應識小馮君
君伯兄嘗為南京尹

王太僕時厚省母郢中

一疏辭司僕高堂急老親饌魚真待汝迴馭更何人
綵出秦陶美顏回郢曲春尊羨自可戀清世有君臣
呂舍人移疾歸吳

松筠一在念遂厭承明廬自謂東方肉何如張翰魚
誰堪代供奉君豈不中書早晚山田熟應誇計未踈
張太史明成送母還豫章

誰犯斗間色文星出紫微侍臣中禁少逐子大家歸
茶愛香城美魚誇富水肥公無長晝繡
人主正宵衣

贈茅生

暗投多失色孤憤少知音依舊豐城劍空懸燕市金
衝牛國士氣買駿古人心予亦浮湘者誰當誦上林

舟州山人四部稿卷之三十

吳郡王世貞元美著

詩部

五言律

余忝督鄖楚與季朗後先戮辱以麗賦見贈且
出扇命詩走筆酬謝

鄖國忝持節春明同振衣憐君一咳唾散作千珠璣
把並吳鉤色携增楚璧輝好逢揚得意未訝薦書稀
過定遠問功臣遺跡有感

甲第杳非故子城餘至今燒痕寒不泯沙色晝常陰



無復風雲蹟偶然天地心
孝陵迴首處紫氣一何深

宋王墓

此地真埋玉何人為續招秋風吊師罷暮雨逐王驕
萬事才情損千秋意氣消仍聞封禪草遺恨右文朝

張司禮堯督備

顯陵八年而始還朝節惠之政口碑載道余甚
媿之敬之於其行賦五言近體以贈

還朝禹年並馳傳漢恩深雨露園陵色冰霜使者心
卧餘江畔轍頌有郢中音雲夢毋勞對

君王罷上林

留吉甫達甫伯仲小飲

鈴閣閒堪掃牙旗靜不驚一尊聊二子三月自孤城
柳送青陽色江迴白雪聲絕憐分手恨翻向會時生

偶成

欲識

君恩重優閒到始知空城聊假節玄嶽是真祠酒病
那從起晝淫不要治未應千里外片檄似風馳

其二

一雨夜來足添衣身轉輕濁醪生睡理脩竹韻書聲

少事人方貴無營意亦平偶因貪化日聊爾話長生

其三

薄有澄清志猶疑節制非一城如斗大三戶似星稀
返照松筠嫵初晴筍蕨肥春寒夜來急無夢可成歸

其四

好作山僧擬其如霜鬢絀升堂無法說退院少機叅
草色深跌坐花陰靜步檐晚來銑吹發應似禮伽籃

偶題小齋

事念了無涉起居初有恒佛書間自展何肉久堪憎
鈴閣樓禪觀轅門坐老僧多慚少年日綺語任馮陵

杭州詩人蔣少翼館於中消所薄游不偶將歸
故鄉賦此送之

錢唐諸父老問爾長安時累宿內供奉可稱明主詩
狗監不曉薦馬卿亦何為今日孤山逕還客二仲知

答明卿聞元美擢御史中丞督撫鄖陽喜而有
寄四首

潦倒孤生業吹噓造物情一官慚國士萬死為家聲
感舊羊曇切酬知到溉輕羊為切浮雲多晦曠缺月
向誰明

其二

文苑三朝彥淒涼半死生青雲聊寄跡白雪好尋盟
不必彈冠意俱歆仗鉞名襄陽訪耆舊終愛鹿門耕

其三

物意終難是勞君擬昔蹤片言成嘔血殘燼奪歸農
六出空流馬三分可卧龍小儒逢大業歸骨亦從容

明卿第三詩
全用諸葛事

其四

與君論瘴色不獨鬢顏深瀧水長裁句

吳均秋烟瀧
白水為險譚

句貪泉久定心

吳隱
之事

聖朝憐泣玉詞客盡橫金莫以

夷門近輕令俠少尋

太和即事四首

名出登封晚功存象帝先路疑鞭石就室似鑿空懸
有壑難窺地無峰不刺天所游疑夢境回首即茫然

其二

天門揮手是宛轉尚千盤但語中原小那論行路難
夜分先得日春去獨留寒不盡登臨意翛然思羽翰

其三

脉借崑崙遠聲欺太華卑上分天一半橫跨地二垂
不盡松杉壽母妨鶴雀危祇憐來往客未解治貪癡

其四

童冠六七輩銀管雜瑤笙一奏鈞天樂
磬磬薄太清風來時斷續雲過復分明
似我仙才淺猶然病骨輕
助甫約登太嶽候之不至

山色空相媚吾眸未忍青人從春雨隔
杯入暮雲停徙倚銀河度淒其玉漏聽
難分使與客只合候張星

雨後與孫兆孺小坐

一雨夏畦足高齋秋思新酒成君子
淡談愛野人真宦達何知味年衰始
問身上書歸不得妬汝出風塵

答寄李惟貞侍御

屈指龍門御清尊盡日携陽春郢里
曲殘臘顯陵西

雨色深三楚霜威淨五溪絕憐回鴈
外猶有素書題

李尚明府悉以晉中新詩刻見贈

汝真秦相裔題刻徧山崖處處五雲
色時時千古懷銀鈞看轉好玉案報仍
乖欲擬君家例移來敢小齋

謝弟寄古方壺

寫從員嶠並鑄自首山分不盡九州
跡長留萬古文土花深送潤水草細垂
紋今日千金壽瓊瑤難報君

謝寄洪崖圖

健携方竹杖涼挂紫蕉衣再出開元
是同游衛叔非自穿丹井隱不跨雪精
歸贈我高齋色宵來動少微

乙亥鄭城除夕

爆竹時時勁屠蘇緩緩斟爭先兒輩事戀舊老人心
澤國音書遠波臣歲月深燭花濃不剪抱膝自微吟
初春偶成自朝

五十俄如一蕭然兩鬢絲山城催暮緊地僻受春遲
罷吏無餘牘揮毫僅小詞迂踈竊自喜除目未相知
其二

禮樂皇輿遠恩波聖德長只今連帥地自古逐臣鄉
水驛魚羹美山田糝飯香一城如斗大人笑夜郎王

寄肖甫

辭侯張博望就拜大鴻臚幕府山猶昨臺城吏散無
主恩官九列天意賦三都若語鄭襄帥居然一豎儒
其二

未論除日異祗是起家同宦跡難稱薄詩篇尚帶窮
江聲放衙後山色捲簾中六代風流事春來盡屬公

春陰

春來思空發暝色但沈沈天濶非無照山多自易陰
冰霜前日事草木後時心我慣牢慙又無妨抱膝吟
荅子與見訊仍請敘詩集

未必天涯遠能令國士踈轉頭論舊畫屈指覺才虛

片語千秋色雙魚萬里書因君重飛動垂老惜三餘

荅子與請作子相祠碑

烏石山頭色能如峴首無風流一代盡雪涕萬行俱
桐邑恩偏遠中郎思欲枯故人兼故吏忍使寸心孤

荅子與見壽五表作

忽枉新詩讀方憐往日非千秋慚竹素廿載濫金緋
小鎮仍宗慙衰情似表微菰城社酒美報爾盍同歸

荅子與春衣之寄

筒卷春衣薄郵分粵路長蹙金雙孔雀疑角一神羊
縞紵粗難報綿袍老不忘天涯散知己真有四愁章

五言排律四十六首

送任戶部督餉陝右

大漢中興日匈奴近塞年材官屯六郡飛餉轉三邊
帝里春將盡天山雪尚堅紀明催轉鬪充國擬留田
一上金城筭俄分少府錢關河俱動色將士欲爭先
葱嶺鞭堪斷恒河鐵可填歸來奏奇計

聖主在甘泉

過天寧寺望塔有作

浮圖隋寶額舍利漢金人龜捧雲蚨篆龍蟠海巖鱗
躡空依日月飛磴隔風塵入夜鈴時語摩空鴈欲馴

霞標象外盡色界望中新萬劫留真地諸天護法輪
空憐證聖眼猶是滯凡身為有摩尼在金篋與問津

塔光

天寧寺塔中有舍利時時於相輪吐光子夜

宿見之

飛刹聳岩堯迴風萬鐸敲神光發寶樹定力轉金標
熠燿渾難擬喜微迥不消晦驚春月上昏憶曙星搖
法鴈珠頻吐神龍燭乍飄一燈披幻劫萬界出沈寥
自失迷津晚俄然覺路超不須求指示淨域本非遙

答伯承新喻

柳條霜又綠不忍記離群遠道逢投札空齋疑對君
夢將池草得心以澤蘭薰露白金臺月山青玉筍雲
毋深簿書意期爾細論文

其二

李侯有僊骨強爾加塵顏名在公卿外身猶簿尉間
開簾卧白日推案得青山公事多饒暇新詩能往還
獨餘離群意相望涕潸潸

題婁東卷

負外郭惟清其先婁人也以徙豪至都下李
生為繪婁東山水圖志別號云

我昔婁水曲結茆生事微秋雲挂江樹朝日滿荆扉
歲晚觀穫罷田家招飲歸偶為鷗鳥忌虛惜鱸魚肥
見爾談鄉故聞音疑是非綸竿未能把相對欲沾衣

嘲周叔夜夢感

客里深秋意芸閣病周郎魔障重難透心兵躁未降
幽期即中夜故好隔蘭房春卉留蝴蝶曉雨啼高唐
驚回忽不見思至自難忘依依想顏色澹澹濕淚光
千里倘同契離睽詎云傷

辛日之郊外小飲河亭即事

息駕古亭邊流飈入壯筵太液分波潤長楊選勝偏
空林發鼓吹曲岸逸樓船碧靄空際合朱規樹杪懸
韋曲六又五新豐酒十千所欣居冗散况此樂游年

送劉侍御清閣三吳軍籍

六月軍書下三吳
懸日華浮組練霜色護樓船
一使兼文武孤忠失行先海潮犀弩避郡國虎符傳
自昔東南地曾分閫制權挂帆當使馬樨火置屯田
將帥誅求裏逃亡涕淚前芻糧還舊日調發任他年
赤籍虛難滿蒼生實可憐蕭條石壕吏悽惻采微篇
問井眉須察兵戈骨未全不堪家國計為爾重悽然
送方居道之應天

落日大江樹揚帆 帝子洲僊臺看不盡天塹劃分
流水擊三千船雲甍十二樓腹心歸掌握叅佐見風
猷吏事饒談笑公餘得卧游烟花馳道晚霜葉禁宮
秋潮濶連滄海天清辨虎丘尊醴禾湏羨鄉思總能

酬

送黃國範比部論京畿塞外獄便道歸省

勅罰歸天吏飛符出未央

帝城千騎月龍劔九秋霜草色乾坤老軍聲關塞長
珮分華省玉人是法曹郎三尺依城巨雙旌指冀方
恩深禹車淚生轉漢紫章渭水羞曾亦箕星氣獨黃

別筵楓葉道傳錦荔枝鄉為有高門待應誇結駟良

秋夜省直同李中二子登白雲樓分韻得秋字

何當白雲吏同上白雲樓海月分余坐天風攬客裘
語未高嶺失曲罷片鴻愁刁斗期門夜流黃永巷秋
玉繩寒不落金掌淨堪收未數陳登卧聊為王粲游
他時念歷落非上帳淹留歲月孤踪並乾坤萬象稠
爾曹珠炯炯珍重欲誰投

二子詩多感虜事再疊一首

夜色舒長嘯西風吹滿樓邊書白羽箭宮詔紫貂裘
八地心難測關河氣轉愁鼓鼙敲月暈兵甲暗霜秋

萬柝行營滿千金選士收請纓猶賈疏勒碣幾班游
金馬名誰在銅駝蹟自留乘軒吾道薄賜第
主恩稠遠愧吳門卒朝簪未敢投

送楚人曹生義烏令

媿人御瑤舄別我去長安步草俱稱植栽花不讓潘
賢如楚令尹秩是漢郎官風物東陽近聲名西峴看
人家稻禾足公事酒杯寬溪學郇公字巖巖葛令丹
松間紫猿鶴花底集鸚鵡欲作臨岐贈冰壺秋月寒
送萬郎中恤刑楚中

都門惜別地草色更油然爾去金鷄詔應過嶽鴈天
春波巫峽滿夏澤洞庭偏干羽堯階後輶車禹淚前
鶯啼五溪渡花發百蠻烟賦就如相問江梅玉笛邊
寒食山陵道中

馬首春還薄乾坤氣未蘇亂山浮日斷危戍逼雲孤
花發已如落柳垂猶半枯兵戈百戰息烟火數家無
哭泣驚新鬼扶携問老夫石壕初避吏榆嶺復防胡
生事悲機杼雄心撫僕姑七陵佳氣在長拱
帝王都

過昌平擬上經略許中丞

豹隱終南奪龍韜薊北專建牙三輔色吹角七陵烟

星斗青萍外關河紫氣前雙鷗下鳴鏑萬馬聽揮鞭
辟易曠支嶺崢嶸首啗天高樓明月嘯橫槊大風篇
白髮籌邊早黃金募士偏還應報烽火不復近甘泉
吳山人將徧游北邊謁予索詩云元戎蘇相公
迎之

擴也負竒士飄然辭

帝京乾坤雙旅鬢湖海一詩名躡履身猶健論兵氣
未平風塵沙海戍雨雪薊門行鴈已思南度人今賦
北征褐衣春事晚七首壯心驚舊識周司寇齊名漢
子卿九關橫卻月萬里畫長城暮客金貂貴軍鋒鐵
騎精青油傳夜色白羽動秋聲感遇多投筆逢時會
請纓燕然如可上勒碣問班生

賦得反邊馬有歸心

蹀躞玄圃秣驅馳青海烟桃花汗玉勒楊葉展絲鞭
得意逢都尉長鳴逐左賢鼓嚴霜耳峻關惡夜啼穿
刁斗征人淚琵琶漢女絃風聲亂蒲類月色滿祁連
虎穴生偏賤麟臺跡未傳如逢貌竒骨天外不辭年
任戶部自密雲回道却虜事甚悉尋貶官武定

詩送之

見說盧龍塞胡兵夜合圍笳吹城欲動烽逼鴈仍稀

伏節星郎駐飛芻代馬肥晴虹袖七首秋月滿戎衣
萬死身猶在孤臣事易非還看謝州簿白羽暮年揮

送劉比部恤刑雲貴

輶車小司寇鼓吹黃金臺天欲南荒盡春還北極來
泣珠恩自遠祝網面仍開貴竹披層瘴昆池暖劫灰
客傳星使部人憶夜郎才不識秋鴻外新詩可寄裁

感述六十韻

歷歷行歲事秋霜積淚痕十年曾結客詩句滿中原
一跌身同贅頻驚舌屢捫未風誰辨草先火欲明璠
避晉傳江左棲吳類武源中丞雙豹尾刺史五熊輔

奕葉陪皇運生成總

國恩徵書向州府東帛去丘

樊識監羞司馬為儒陋叔孫賦題秦女鳳班逐漢臣
鶴所際垂衣主寧期泣扇媛侯門罷投謁天路隔攀
援勛業時名左文章世態論縱遲甘曳尾那肯羨乘
軒難已東方設歌仍下里喧四愁虛望嶽三刖竟悲
崑黯澹白雲署風塵黃鵠翻幾人甘蠖屈吾豈厭鵬
騫才拙知何補時平借不寬寢興惟早莫朋舊絕寒
濕海席鱸魚膾燕盤首藉殮身安東濕久道以積薪
存休沐憐妻子寅恭得季昆篇成多和瑟曲罷有攻
塤頰解譏衰鳳無能托化鯤邇來工上下愁說會平

反一旅勒王室千秋啟塞垣紫衣歸漢市碧血灑周
墻泣兩誰看粟投暉尚覆盆幸陪郎署席亦負野人
暄戀祿違辭紱驚心阻叩闈緹兵時絡繹中旨夜趨
奔麋鹿何罹網羝羊更觸藩向來邊事棘獨使
聖憂敲籌筭明光秘祠謀太乙尊任方優將相塵已
動乾坤列幟蟠狐嶺連烽逼鴈門地炎胡馬習月黑
羽書繁飛餉三邊轉材官六郡屯元戎假黃鉞
天子授朱韃曾傅寧談餌婁生或請婚女紅全掃越
汗血未歸宛野色微龍戰原蒐益虎賁鼓鞞秋轉急
戈甲晝乃昏質子空都護孤兒總陸渾性懷頻舞漉

清嘯久輪琨智士甘懷寶忠臣惜喪元蛾眉各燕趙
魚腹自湘沅歲月無乾土生涯有故園雲齊吳渚稍
潮滿沃洲蓀熟袖金分管芳醕玉滿樽問津迷遠楫
息路悟歸轅其若頻年使仍傳一札言民窮怯蛇虎
吏巧獵雞豚巧似驅淵獺窮如失木猿三江先雨涸
萬柳後春髭垂老脂俱盡公庭淚暗吞衣冠十道使
烟火幾家村羈旅餘皮骨

朝廷問本根茫茫竟何所腸斷賦招魂

送尤祠部汝白兵備廣東

卓犖憐吾子交游見古風官仍時論外名豈衆人中

國事談兵異風塵受寄同潮平天自適瘴合嶺逾雄
帆落羊城鴈旌迴象郡虹銅標伏波塞金屋尉佗宮
自古危秦政于今失漢功行霜山鬼避泣露海人通
爾去能遷木予留竟轉蓬度刀贈秋水揮手

帝城東

人日同茂秦于鱗公實子與夜集子相考功分

韻

令節淹羈旅同心藉見要人俱愛今日吾亦醉茲宵
罇是宜年栢盤餘頌歲椒殘梅壽陽片新柳建章條
雪色凌春發星光逼曙搖酒闌仍劍珮詩就各瑯瑤

身世誰偏晚風塵敢自驕更慚叨薄祿樽筆報清朝

傷春四首

二月春過半蕭條甚往年無風蕩白日不雨失青天
邊塞還鼙鼓侯家自管絃命輕微病後心老欲歸前
對酒多仍怯看花豔更憐祗應長兀兀一室坐安禪

其二

迢遞南來使艱難北伐兵春遲榆柳色朔動鼓笳聲
多難無朝野深愁外死生群公栢梁宴大將棘門營
末路填驅轄瀕年絕請纓漁樵吾豈敢玉石未堪平

其三

十五世經堂

浩浩來春色茫茫抱獨愁
兵戈北極動舟楫大江流
為國何虛實謀身幾去留
草欺公子陌花妬酒姬樓
景物存揮淚生涯寄遠游
所甘唯瓠落湖海一沉浮

其四

草木春還舊乾坤事轉新
他時問根本斯道恐風塵
狂至非關酒窮來實讓人不才
莊氏木甘老漢家薪
文字難知已聲名易有神
何為愁後後天許放吾顛
三月三十日郊外小飲兼有所感

近出看栽柳重來綠護人
縱遲今日暮已判隔年春
酒醜深難却花枝強當新
綺羅猶杜曲鐘鼓任平津

方蕩群謀笑生疎萬事嗔
祇應

兒女計未敢問垂綸

送范按察克卿調補福建

世途過欲盡古道尚堪存
九折官非晚君言望是尊
故人推轂分

明主賜環恩日月闔山破
風雲瘴海吞未論台斗象
聊息太池鯤名到朱門失
聲先墨吏奔法真無上下
身且信乾坤鰲頂如探壁
裁詩可寄論

病中

白日垂垂墮青雲
裊裊舒病窺文義淺懶益世人疎
跨馬心先折
銜杯意未除
問醫吾隱几
索食稚褰裾

國事干戈後鄉心劔佩餘却憐潘騎首未可賦閒居

其二

晏起無長日貪眠有隔旬
真吾喪我出不爾如人
握管思仍廢開眸事總新
游蛛與戶網落燕任梁塵
酬酢聊存性詩書自穩身
何須問江漢天際幾垂綸

別子相

吾黨一時得疑從異代來
鰲扶華頂出鵬擊大溟迴
有重身能任無堅勢不摧
宗生尤卓犖於我重徘徊
神賞荆人璞能驚魯殿材
句成蕪庾鮑毫腐失鄒枚
四顧心逾切相過眼倍開
驥騰成辟易鳳舉未摧頽

此日江淹賦青天郭隗臺
行留念萍梗歸去逐蒿萊
赫奕西京貴飄零幾祀灰
古今俱努力顯晦必關才
物理須推久時名盡可哀
天涯未為遠揮白亦雄哉

送黃資禮謫判漳州

白簡當年疏真無愧古人
舉朝迴氣色中貴失精神
日月流言事風霜敢諫身
向來餘萬死此去有孤臣
別地荆榛滿之官橘柚新
濤驅千障雪花散萬家春
任俠非凌守虛懷欲近民
臨岐繞朝策為爾重沾巾

送周叔夜守萊之平度州

冠蓋灞陵中相看吾道東
五馬分符貴三齊列郡崇

鸚指天邊日龍噓海際虹恩推聖水潤才借墨山雄
看市遙知霧徧車欲問風綬花紅纈采帶草綠疑叢
時當 璽書下毋忘保障功

為吳員外贈別

員外 內子乞假
歸時主試畢得請

圍棘暫淹留餘香故結愁採珠新照夜沉劍易悲秋
更是蒙 恩卹將言歌薄游楊柳青令雪芳杜綠分
洲徘徊不忍道迢遞阻福求星輝鳳凰嶺春漾木蘭
舟蕙帳重盟鶴菱歌不起鷗漢庭方念賈魏闌更懸
牟賴得雲溪水時從東北流

送嚴整之天台丞

聞道天台路花深似武陵君當簿書暇乘興獨攀登
蜃將朝市出虹並石梁升念以風塵寄能偏吏隱稱
泉聲當晚案山色滿春滕要使人呼父母令子負丞
臨岐別有貺托意在壺冰

壽吳封君九十翁子叅政憲副侍養其孫峻伯

郎中來請詩

天目橫佳氣茗源出紫清年同授書老家是徙陵豪
喬木千林色江湖萬頃膏身輕叩竹杖興遠木蘭舫
大陸雙鴻羽芳池一鳳毛金緋陪几履芝玉散庭臯
膚挹青精濯歌裁白苧高茲辰玳瑁宴上客鷓鴣袍

露掌僊人饌雲盤帝母桃雕厨薦杞菊銀燭醉葡萄
名已丹書寵恩應東帛獨慚西署列班管聲揮毫

寄袁履善

使君有水神燕市醉相親竒字揚雄敵新詩鮑照倫
啣杯即河朔對局類秦人一去瓊枝晚相期瑤草春
興從思鱸逸年與士龍均北關江湖夢南冠市井臣
才浮莊叟瓠官積漢家新吾意或無愧天涯能重陳
訪太史李文石鹿草堂

罷停青雀棹來訪碧山居雜浦橋能識飛花徑未除
坐通文舉刺窓滿鄴侯書為酒初收秫分泉自灌蔬
舞留玄圃鶴釣得渭濱魚握麈青天外彈碁白日餘
榮庭更蘭桂觸目有璠璣邑相陪萊服門人奉筍輿
烟霞東閣履星斗上林裾燕客多相問君無厭漢廬

代婦寄周子

游子適上國賤妾依空房
煢煢語孤影亭亭待夕陽
鉛華強欲御淚靨不留粧
結網陳雙箭牽絲理七襄
何當化磁石引恨入君腸

代周子答婦

月斷故園柳身戀上林枝
吾當恨霜鬢卿亦嘆蛾眉
兩地栽黃蘗辛苦不相知
入夢猶短裁音托鴈遲

惟餘子夜月自照流黃機

送章道華提刑之江西

舊傳分鼎業爭重有洪都日月疲龍戰乾坤撫駿圖
山今奠廬嶽濤不震彭湖伯仲桐圭啟東南竹箭輸
異時忘帝力驚代得賢扶子也漢廷尉才其楚大夫
秋霜動旄傳夜斗辨昆吾勝槩揮毫出妖氛攬轡無
魚跳廉訪佩虎擁使君符匝日青驄馬鳴風金僕姑
感時冠欲立憶舊眼堪枯八葉仍英主千秋仰睿
謨樓船南下瀨車騎北單于地力傍搜盡天心轉闢
孤祗應三表擅不必寸丹殊倘遇王尊道相期莫忘

馬

賦得金鳳花

初秋鮮奇色亦足續吾軒嬌姿委露泣弱質含風翻
紅織上玉指碧淺輶銀盆質是黃花役名為衆羽尊
閩宮誰第一小婢最承恩

唐詩呼金鳳花為菊婢閩王璘所幸婢曰金鳳後冊為后

賦得料絲燈

靈象來西域奇麗薦南滇鮫絲冰淚滴蛤粉夜光縣
映彩疑花笑切翼類蟬聯薄雲全帶月澄流微澹烟
欲奉咸陽殿先近五侯筵

卷之三十一

賦得紗燈

誰剪紗為葉，翻憐玉作枝。
霜輕織女製，星散影娥池。
流黃動金綴，分紅入翠卮。
燦爛欺螢耀，霏薄勝蛛絲。
還同瑟瑟幕，不掩麗娟姿。

舟州山人四部稿卷之三十一

吳郡王世貞元美著

詩部

五言排律六十首

贈梅將軍

無論漢飛將，馳射爾誰先。
一劔酬知己，千金結少年。
建牙滄海日，揮羽薊門烟。
韎韐戎王錦，珊瑚宛馬鞭。
乾坤兵事重，將帥主恩偏。
欲問汾陽貴，吾誇未遇前。

迴龍觀

絳節春時憇玄宮夜不扃
群衣屏日月松骨破雷霆
剥落群真像淒涼上帝庭
蟻臺留雉堞蝸壁斷丹青
王氣千年合鑿輿一夕經
河山被容衛草木吐精靈
谷憶三呼應雲疑五彩停
莫將榮辱理來此叩衆溟

過天津

此地關天津關城萬馬屯
勢臨南極迥威擁上游尊
日月分三輔風烟接九藩
雕盤秋氣肅鯨擊夜濤奔
赤羽邊庭檄青油使者軒
北來多破膽南望易消魂
人意明群盜天心暗陸渾
憑舷仗尊酒孤抱向誰論
過清源李憲使宴作

河山初執手天地一掀髯
月擁齊藩節霜迴漢使幘
官途鄉語細軍令酒杯嚴
白苧調歌管青衣度舞簾
香抄雲子飯絮攔水晶鹽
笳鼓行營急蘭膏北海淹
金吾應不怕爲許夜厭厭

自天津南所經由亡不陸沉者耶成短述蕪志
憂年得十六韻

脉湧中原破隄平萬穴趨青天
迴碣石大壑播方壺
甲子光年偶庚辰禹佐殊
向來分水陸茲徃混江湖
遠舍晨都鱷危牆夜宅烏
鷗行饒道路擡偃奪菰蒲
狹坵千珠賤寬流一鏡鋪
穀文寒壘粟錦色書模糊

川后疑來往天吳或有無
颯驅鷲倏忽帆迫亂喧呼
怒激鉦鼓嚴徵爭線力扶身輕仍燕雀勢定始妻孥
瘞馬祠空白看龜目易朱容程茲地險民力幾時蘇
沉竈生涯盡投薪骨髓枯茫茫上帝遠吾意欲招巫

寄李于鱗二十四韻

四顧空搔首中原獨撫膺
月寒青海鴈風偃赤霄鵬
道路逢他輩殼華亦可憑
強為知己語敢並故人稱
憶自唯吾汝相逢屬廢興
舟聯私郭泰樓卧仰陳登
落月過三市高秋問七陵
河奔浩莽蕩嶽削重峻嶒
沒羽真疑虎踈韜乍縱
應馬風烟身許混天地目頻瞪

俗就誰心折筍成豈價增
拙於貧賤共狂得古今
僧嶺表梁公實山東李伯承
宗徐少卓犖榛也老飛騰
獨往時難遏橫行意頗矜
英雄方識爾躑躅有來朋
眉宇千年色襟期萬壑冰
過從原不偶聚散忽因仍
別路人如織微官我獨繩
孤槎春氣迫雙劍斗文凝
酬酢懷翻切浮沉道鮮能
暫歸依酒伴隨泊訪漁燈
此物期終遇生子或可徵
亦知疑白壁代爾任青蠅

淮陽公署遣懷二首

空館雲常合荒階葉易平
風霜私俗吏天地狹狂生
嘯引雙長缺愁依一短檠
惜眠晨鼓罷散食午禽鳴

世經堂
刀筆難違世文章肯近名脩然竟何語竒思獨能蘄

其二

向惜湘纍有行求越石非官寧為吾設事頗與心違
所遇浮沉足相知積漸稀庭陰候吏散樹色晚鴉歸
白日過搔首青雲阻拂衣淮南小山桂鄉思欲翻飛

奉送大司寇應公還天台

投劾心初遂生平節未磷兩朝均出入一代借陶甄
有念俱生物無營獨任真向傳銅柱徼曾擁繡衣巡
羗策乾坤盡甘棠雨露勻戢兵驅揖讓吹律起沉淪
直道萋菲易歸裝意以貧至今看頌德猶自滿文身

海岱嚴旌鉞阿衡領縉紳名齊山相遠治訪蓋公純
北斗官逾貴西曹法轉新自來惟重意或以不寃民
在宥求

明主遺安惠老臣但無慚竹簡何必問蒲輪瀑布遙
飛漢衙門豈避秦月來天柱曉花發石橋春白首風
波隔紅顏藥物親棲遲餘故吏黯淡走庸人拙計窮
緣木微才老積薪空為國士語南望重傷神

正月六日雨阻江上因記昨歲同于鱗諸君訪

茂秦於華嚴庵分韻賦詩一時之盛悵焉有懷

爰賦十韻

昨歲還茲日相携出建章去乘支遁馬來借速公房
所遇皆同志焉知在異鄉天花沾草木佛日轉水霜
詩辨三乘體經翻四大歲降心皈鹿女說法禮獅王
有會因能就言離業轉長彌天今落落大地各茫茫
兩雪逢南土風烟阻上方未須論幻跡吾道本何常

李南雄而進

爾父南宮老尊為

帝者師向來麟閣重况有鳳毛奇難弟曾雙戟中年
暫一麾累朝懸賜履萬里借褰帷庾嶺熊軒過凌江
雀舫移官資裝石見心事買山知喬木風霜古漁樵

日月私浮雲迴意氣流水瑩鬚眉學稼興時早看花
散每遲不須求大藥即此是僊資

贈浦翁

早應公車辟仁何愛隱淪傳經問心事却杖轉精神
守黑偏柔物耽玄頗避人乾坤為圃意湖海狎鷗身
雞黍能謀歲鶯花自與春東林倘開社識爾白綸巾

同陸象孫咏玉蘭

暫藉辛夷質仍分蒼蘆光微風催萬舞好雨淨千粧
月向瑤臺並春還錦障歲高枝疑漢掌豔盡勝唐昌
神女曾捐珮宮妃欲施香誰為後庭奏一曲按霓裳

讀陳僉事祚遺事有感

愛主投經術如何遂觸鱗艱危兼數口徂落始孤臣
吾道風霜舊

君明日月新數罹年自老垂死意常伸嶽峙生前節
星流化後神向來綵几上白簡竟何人

送徐汝厚之陽信令

射策蘭臺日題名棘寺年風波乍相失雲樹莽俱懸
月就留陳榻天迂訪戴舩衣冠仍瀕洞朝野並屯遭
不謂艱虞後重逢涕淚前移燈中契濶握醕幾留連
辭賦驚心少交親舉目偏公車除牘下僊舄異方傳

惜別頻看鬢深期各贈鞭河山齊十二禮樂魯三千
保障誰堪語絃歌爾自先禪琴野雉聽開閣縣花然
太嶽千家色謹陰萬并烟犢歸新賣劔馬飲舊投錢
題壁勞

明主徵書與大賢他時但鸞鳳莫使變鷹鷂

七夕汪李二丈同過餞謝山人

茲會遽為別六街愁思生月沉河不見鵲迨夜無聲
波浪魚龍卧關山鴻鴈征天孫一夕語國士九秋情
逐世吾何拙離居各未平明河無捷路梁苑有高名
縹緲低雲樹羈棲隔露莖年年當此夜念爾若為情

游石湖登上方寺

客語上方勝藤蘿手自攀歸雲初半塔過雨忽分山
掩冉開青鏡參差列翠鬟苔衣沾屐屨栢子落禪關
自喜長年慢猶慚老宿閒烏還應已暮未肯下人間

歲暮家居有感

伏臘京華會今從海上看中原散朋舊故國倦衣冠
詩卷供人笑尊醪把自寬枯柴朔意久過烏夕陽寒
節序顰眉得人才屈指難未堪時攬鏡吾鬢欲如潘

送梁思伯南海

韋賢原相漢其子獨辭侯問豈家人產交唯國士流

冠蓋向俗書卷自寬愁躡履三神徧題詩五嶽留
道存匏肯繫材大瓠還浮傲世恃捫虱全身或應牛
席迴桐栢雨帆入廣陵秋淮海桓伊笛乾坤郭太舟
衆情雙眼在吾黨寸心酬欲別頻更燭相思但倚樓
燕豪贈七首粵女問刀頭鴈徵看猶去羊城望轉脩
求僊勾曲嶺載酒鬱林洲何日尋初服相期向子游
為茆太守題鳳皇泉

神漢懸丹穴靈巖控紫京誰題秋澗水還近古臺名
潤借岐山彩流為嶰谷鳴梧桐寒不謝霜月照逾清
燕尾人家色羊裘釣者情今看漸如練為爾映雙旌

贈方身平

東郡分符日西京奏賦時文章元汝在吏道亦吾師
宦豈將迎足顏應撫字移河流迴駐馬嶽色吐褰帷
一變加齊易三年報魯遲向聞廉吏節實忠動人知

送萬比部章甫兵備雲南十六韻

籍甚衡湘譽曲推法吏先馮唐難計秩荀羨始過年

喜識

皇封大恭承闕命專西南漠君長靡莫禹山川五尺
疑無地千盤忽有天箐陰連畫合花暖四時偏暮雨
辭歸鴈春雲落站為雕編分跨國篋輅斂熊旂節制

非今少跳梁自古然楚氛開斧鉞巴雪引戈舡計密
翰鈴裏炎驅羽扇前深恩羊帥並高論馬卿傳織罷
供夷稅銷兵墾瘠田俱論碧雞祀重奏白狼篇援柱
威終復虔刀位必遷所餘岐路感揮手灞陵烟

送李負外實夫

躍馬河梁畔殷勤更一卮荒城寒自入游子暮何之
憶昔含香省逢君解珮時久將流譽汰偏引寸心私
睥睨迴青眼吹噓念色絲推年難汝弟問字亦吾師
調笑更相折踈狂醉不辭金蘭餘繾綣玉樹迫參差
飛蓋驕頻擁離歌杳莫追霜天涿鹿野使者鷓鳩司

北走龍沙徧南歸鴈候移星辰搖鼓角寓宇揷旌麾
有疏堪流涕無人可察眉好乘秋令返未許晝游遲

春日言懷

萬象乾坤裏春光各競探醉鄉難久托愁日漸誰貪
心事聲名淺年光案牘諳鬢毛新薊北骨肉老江南
末路驅鞭甚凡才闕穴酣大空高鶴雀幽谷小梗枏
脉脉將何辨恢恢且共涵饑憑方朔飽苦任子雲甘
縱逐時趨倦終歸世棄耽不堪應但七當黜或過三
衆自淮陽薄吾猶漢署慙詰朝如賜履隨地足停驂
為謝山人贈顧季狂

游客爭歸趙虞卿亦見尋立談雙白璧笑却千黃金
解道

國恩重誰同交誼深崎嶇依一老流落見餘心擊筑
無燕市悲歌有越吟揖予還拂袖碣石暮雲沉

送方承天禹績

向來龍起處曾此更鳴鑿父老十年復
君王三日歡蹕留佳氣滿歌憶大風寒望幸河山切
沾恩雨露寬官曹副司隸宮闕比長安稚子車前擁
中涓柱後彈聲名方叔並詞賦郢人看莫作南陽對
君今治豈難

送凌雲謁諫議之南京兆

左掖梧桐色清陰自宛然龍鱗

明主易雞舌近臣偏高議留青瑣
殿懷盡綺筵橫金
茲日貴倚玉異時綠暖眼名流外降心拙宦前狂歌
動星象高會失風烟骨肉悲歡共襟期笑語傳應門
邀緩帶歸馬熟停鞭偃蹇忘賓事崢嶸競酒權但知
頻樂聖靈解羨登僊離畢商秋月懸參北斗天
石頭旆花簇大江舡河尹官曹副丹陽郡國先關山
王者氣宮闕

帝京篇塵尾輕劉惔刀環識呂虔二難知並美三樂
問俱全蛙黽甘留滯鶴鴻惜翥騫趙張賢不數嵇阮
意誰宣海內兵為日吾儕醉是年漸憐飛蓋小徙倚
閩風巔

于鱗夜坐小酌因懷茂秦

稚子頻辭客君來未掩扉濁醪均妙理燕坐對忘機
遠樹河流接踈花露色歸事違心獨賞名近句還非
瀕洞時才足踈狂我輩稀祗憐月如練不見謝玄暉

東郊

東郊不忍駐歸馬叩柴關春或留天上愁應滿世間
酒尊憑破淙朝事總銷顏黃髮誇能老青雲恐失還

檀兮虛坎坎素者自間間何日乘新雨扶犁有故山

久病奉簡曹中諸公

千門動寒色大樹莽蕭蕭日落中涓馬霜歸散騎貂
漸諳高枕趣不畏簡書招態向人間戒吟滋病後驕
此身難自擲微祿仗若消滿百如相譴抽簪有

聖朝

明卿過子相邀予以召客不赴聞二子有作賦

此

詵詵春雲暗霏霏凍雪開故人何玉倚中夜自珠來
氣角千人廢雄爭萬古迴縱橫甘汝輩酬酢強吾才
世態頻攻懶鄉書未撥衣避名將罷詠仇病併辭杯
咫尺乾坤妬浮生日月摧不禁飛動色清漏坐徘徊

李水部父母

地有龐公隱賢其德曜倫耦耕秋雨外舉案楚江濱
志已傳經遂恩方賜帛均肉分大官臘酒割上林春
翟第魚軒貴宮袍鷺錦新巫雲助眉宇湘雪鬪風神
三婦調絃好諸孫戲蠟頻當筵奏郢曲上客是秦人
湯沐偏南紀衣冠更北辰彭年衆所頌吾意在荏椿

送萬負外仲兵備廣東

向來明月壁曾倚白雲司年事吾堪後風裁汝更宜

扶搖催撒揆留滯奪委蛇嶺海誰千騎烟霄暫一麾
繡衣花暝失銅柱瘴天垂羽檄年年是韜鈴處處疑
肉飛甘跂危藿食浪安危使者蒼梧節樓舡下瀨師
五羊摧震疊萬蜃戩衡睢不必陳魚麗應先問蠶絲
青冥直指破墨吏惠文知得意當如此每煩泣路岐

碧雲寺

隋壁琳宮轉叢篁白日移斷石也咏噴室三火池

祇樹開千臘墨

色界烟霞

入觀香時妙

水石浮松

松尾

中起春耕

影散果魚

反叩摩尼

香山寺

聞鐘尋古刹高入白雲層北極諸天擁中原一氣憑
攝衣凌恍忽飛磴挿峻嶒不謝菩提樹常明慧遠燈
雙星垂井動片石抱蟾升怒鬣搖風檜殘鱗圻雨藤
劫灰魯鐵馬迷路有金繩忽憶宸游事千林色倍增

經功德廢寺

古寺逢人語

宣皇御輦過散香群帝下迎蹕萬靈呵水束蟠丹砌
虹垂飲碧蘿雕梁扶日月繡障擁山河果失阿羅漢
緣空堵窳波嘶鳴來白馬剎鑿悵青螺賜額苔全卧

香山寺人語 卷之三十一 十一世經堂

九州山人集卷之三十一
十一世經堂
扶搖催撒揆留滯奪委蛇嶺海誰千騎烟霄暫一麾
繡衣花暝失銅柱瘴天垂羽檄年年是韜鈴處處疑
肉飛甘跂危藿食浪安危使者蒼梧節樓舡下瀨師
五羊摧震疊萬蜃戩衡睢不必陳魚麗應先問蠶絲
青冥直指破墨吏惠文知得意當如此每煩泣路岐

碧雲寺

隋壁琳宮轉叢篁白日移斲雲探地脉噴雪注天池
祇樹開千臘曇花供六時伏魚驚午襯眠犢起春耕
色界烟霞滿空門歲月私苔陰侵鼻負鳥影散呆魚
入觀香時發銓真聽不疑悟來珠炯炯無復叩摩尼

香山

聞鐘尋古

原一氣憑

攝衣凌恍忽飛磴

慧遠燈

雙星垂井動片石抱蟾升怒髮狂風檜殘魚切雨藤

劫灰魯鐵馬迷路有金繩忽憶宸游事千林色倍增

經功德廢寺

古寺逢人語

宣皇御輦過散香群帝下迎蹕萬靈呵水束蟠丹砌
虹垂飲碧蘿雕梁扶日月繡障擁山河果失阿羅漢
緣空堵窳波嘶鳴來白馬剝鑿悵青螺賜額苔全卧

九州山人稿卷之三十一
世經堂
殘碑雨自磨
稅龍陰吐甲
壁剝暮揚戈
佛坐孤禪倨
僧房鳥跡多
化城歸一劫
淨土讓諸魔
函舌驚珠梵
泉音想玉珂
低昂人代有
生滅竟如何

寄贈明卿給事謫江西幕

千秋屈宋後
湘水日濺濺
間識斯文在
粗明大造權
扶搖鵬力重
做儻驢群先
竹箭曾輸楚
荷衣乍釋燕
老親誇剪拂
賤子奉聯翩
執禮家人並
論心國士偏
崢嶸俱志毅
擗落未忘筌
筌喜奪慈明
馭思操晏子
鞭瑣垣勞守
黑車馬笑談
玄倏忽時謀
勝參差帝澤
肖公孫寧布
被主父但金
錢雞肋移官
外龍鱗

抗疏前大名
人盡敵小蹶
世何憐豈必
論株累那能
共瓦全一麾
踈紫氣萬死
仗青天藥物
愁詩癖戈矛
與勝緣折腰
身併狎抵掌
態逾妍未遠
虞翻道仍高
賈誼年吳鈎
寒自峻郡榻
暮虛懸彭蠡
搖坤軸匡廬
挿斗躔盡收
遷地色還賦
五君篇偃蹇
漁陽搯飄零
蜀國絃為君
盡一奏不爾
借誰傳泛任
秋濤梗留餘
夏澤荃昔賢
慚涕淚吾計
失留連倘問
歸來事城南
二頃田

送吳中丞入為少司徒

尚憶秦廷哭
能令漢業昌
虎符徵使者
龍劔入漁陽

戰伐深推轂從衡易處囊急難心轉赤紆畫鬢先蒼
日月垂南紀風雲護朔方七擒收屬國一戰掃夷荒
司馬軍中拜金魚袋裏裝寧惟剪荆棘且為樹甘棠
羽扇妖氛避穹廬燄色藏春風眠突騎暮雨至降王
女釋供邊籩家餘宿畝糧竭來平準議誰握度支章
保障空思尹秋毫或讓秦
主憂偏社稷公望切巖廊餉轉千樞月漕飛萬庾霜
牢盆自商賈鹽鐵有賢良物力江湖細兵需陸海長
察眉難盡淚刺骨未論傷少府征寧緩潢池勢可當
亦知根本計何以報明光

順甫枉書見問久未得答茲因明卿歸成排律
一章寄之

魏子卧成癖貽書僅所親服將援琴悲可就除結綬思
難真紫塞猶驅馬青雲幾釣綸如勞問星使此去有
波臣懶慢功殊效婆娑態轉新雷霆來鼓盪天地走
逡巡毀重窳銷骨譏深或反脣病身時一割迂計日
千顰畏路將延汝微生久悞人後期雖有任渡莫並
風塵

永平道中

盧龍左馮翊白馬舊安西浴日滄溟小摧天碣石低

虎沉飛將羽龍出慕容題驅傳令支塞問津卑耳溪
荒祠孤竹並讓國大名齊回首哀兵鏃沾膺愧馬蹄
榆關秋一帶慎莫動征鼙

夏日再宿碧雲寺

春來虎溪咲別爾竟長途初地緣猶在諸天念未孤
比丘驚出定檀越見能呼忍草看如昨靈花問已無
歸雲仍卧榻流水自齋厨病骨蘇金髓塵心冷玉壺
暫棲同怖鴿乞食伴饑烏欲施周顛宅吳中盜一區
擬訪故丘曹段文貴不遂寄此

聞君易水畔日夕理蒿萊自枉踰垣避虛慚訪棹迴

十年追握手一別滯啣杯咄咄書能薄烏烏聽莫哀
罷官吾黨事多難世人才倘問黃金力猶填郭隗臺
賊深笑俞生頗有素梓之戀胡能北執恐一旦
之不戒賦此寄懷凡十二韻

之子乏時韻頽然初一丘為玄轉寂寞守黑故夷猶
五嶽無禽向三徑有羊求以茲衡門色坐攝太華秋
衣食疑神隱詩書與卧游何悟攬槍下頓使客星愁
齋簪摧碣石鑿齒啖神州血改勾吳道烽炎滄海流
匏瓜繫不食萍梗飄自由恐晚丹青意誰堪玉石謀
天目亮懷阻地肺未云脩竈因貴六尺詎忍棄千秋

阻水高陽夜大風雨

何人為驅魃此夜復愁霖已改江湖象猶酣天地心
疾雷崩坐出飛溜奪簷侵怒挾孤城動哀催萬竅吟
扶搖大鵬翼磊塊巨鼈簪散帙身俱厭扁舟意與深
浮生長道路倦翻未山林所以桓司馬愀然恨陸沈

與故趙使君登定州塔

靈鷲名藩駐神龍法藏蟠絳河滌井幹朱網冒天門
象外僊都廣寰中欲界尊下方自風雨絕頂半乾坤
眺擁千家出歌迎萬鐸喧驅車燕使者題壁趙王孫
水合盧奴樹雲宜鼓子村語來心已淨不必問銷魂

寄俞丈兵使汝成

握手滹沱色相看又轉蓬建牙秋鳥外乘障白雲中
手削三關險身先六郡雄舉軍驕塞月萬馬聽秋風
行路難毋問從軍樂未窮勿投班氏筆留罵漢臣功

真定劉使君子易月夜宴城北池亭觀捕魚

釣渭客寧貴如棠公豈頻水光迴拍檻秋色散鷺緡
吹沫星飛動穿深月隱淪生涯捐浩蕩末路赴逡巡
雪壓金盤細霜飛玉筋新異鄉王廟名南國季鷹尊
爾自烹鮮理吾何祝網仁風波仍病骨天地漸窮鱗
萬事徵漁父孤懷信校人無煩問濠上莊惠定誰真

秋日過于鱗郡齋分賦十體得高字

不淺停車興寧因戀濁醪客顏迴把袂吾手任持螯
十日布衣飲千秋冠蓋勞北風寒趙瑟明月隱吳刀
淮海身難下乾坤首並搔宦情餘汝在物譽借詩逃
一別安孤枕相知仗二毛白雲空在望誰益太行高

謝茂秦盧次梗謁余於魏郡有作

命駕俱千里銜杯問各天文章一言合姓字兩生傳
貫日荆卿七飛霜鄒氏篇壁還新去趙金盡舊游燕
偃蹇中原並縱橫處士偏青雲折筭踞白日助高眠
老盡人間態貧操物外權酒徒吾敢後詞筆爾爭先

竹寫淇園色花吟大陸烟拂衣從此別為約五湖邊

王丞明輔羅倅虞臣邀余天雄郡閣因携謝盧

登焉

郡閣諸賢在誰堪履齒高漳流寫衣帶徑嶺出秋毫
堞起千家月松廻萬壑濤新篇携謝眺若士起盧敖
羅友須羊肉王猷似馬曹禮平緣我設興自任君豪
夜色歸長劔天風佐濁醪詩成誰第一欲解鷓鴣袍

雪中寄張職方莊

飛雪滿天地北風吹向人遙憐戴逵宅獨命呂安輪
白眼狂相對青山計未貧肉絲移小部角觝出西秦

獵騎捐生晚胡姬闔釀新鳥分瑤管弄花壓酒杯
客自呼投轄君能問漉中坐明空裏色醉與性中真
大陸搏元氣長歌動有神莫愁歸路失燈火辨城闐

答尚書顧公

猶憶尚書履今

皇慰老成佛衣辭白下揮手謝蒼生略盡人間事仍
探物外情著書窮小酉呼酒頌長庚海內安車望丘
中却杖行風迴萬壑嘯月並五湖盟絳縣能推甲年公
七上中郎舊與名用顧雲霞留物色天地任軍聲玉
三案慚難報金丹計已成却憑青鳥使為我問蓬瀛瀛

送吳提學遷廣東叅政

漢家文苑傳早已著吳均誰更蕪循吏君無讓古人
泱泱東海色浩浩廣陵春不必三年報俱稱一變新
羊城縈紫氣象嶺度朱輪月迥珠應復星輝劔有神
酬心卞杯酒揮手邊風塵倘有相思句還從鴈外陳

安東候啓有述

樹影旌旗接濤聲鼓吹蕪雨拖殘日脚山割亂雲尖
淮艦雖寬鬪齊師未解嚴瘡痍心轉塞骨肉淚頻沾
恩澤詩書眉烽烟號令添如何重推轂翻使捷書淹

贈別羅鹿齡

衣裾遼海色樽酒雲門開匹馬故無恙諸侯誰愛才
玉炊何地米金築異時臺縞帶輟將贈蒯錡歌始哀
文章身計失疾病物情催倘有尊鱸興能無共爾回

月夜步西園積雪有述

積霰不知晚洞然澄肺肝冰壺初世外天鏡忽林端
一入清虛府如斟沆瀣餐敲分兔杵細舞散羽衣單
東浪錢唐捲飛花大庾殘銀疑千頃疊玉憶萬枝寒
盡吐乾坤秘平收海岱觀野夫殊未足欲借閬風翰

游靈巖寺十二韻

懶怯靈巖勝驚看即道傍天垂孤剎出地轉萬峰藏
橋石鯨飛動烟嵐鷲渺茫山形界齊魯榜字接隋唐
虎坐俄拏攫虬潛欲奮揚臘留祗樹色春勒寶花香
伏水侵禪座歸雲護講堂慈筵深歲月忍草足冰霜
飽進茵陳飯眠酣薈蔚房微吟和清磬步屨信迴廊
許掾談推解陶公醉不妨莫疑車馬客爾亦困津梁

再游靈巖寺十二韻

為捨祇園竹名山結願偏登臨悅初地徙倚更諸天
不改芙蓉色微添蘿薜烟松雲移疊嶂花雨助鳴泉
芒屨青從引苔衣碧任穿井猶雙鶴浴瀑似片虹懸
磬發僧歸定燈餘客借傳新茶收月供淨甕割霞眠

未叩無生理，聊追有漏緣。空聞飛錫杖，不見布金田。
盡劫終成幻，降心返離禪。祇應何所住，一鉢付流年。

立春日戲為梁陳體於青州作

青州青帝鄉，春至冠群方。凌霜迴太簇，條風鼓少陽。
冰寫滹沱色，雪厭壽陽粧。蠶文初映綠，卵色未舒黃。
鷹目微迴盻，雉乳正群翔。擊鞠諸田族，粘徒臨淄倡。
留髡東第酒，角駟上闌繩。繁雄將自始，歡愉殊未央。
憂萬痼瘵，左个在明堂。

題東溪書屋其人中丞南溪公兄也

徵君夙有尚，卜築東溪頰。口又夏月記此刻中幽

地潤雙珠吐，天空一鏡收。朝宗竹箭水，解凍桃花流。
初日綺文悅，條風羅帶愁。漁家薜荔網，浣女木蘭舟。
柱頰西山曉，濯纓滄渚秋。若仍洗頰去，仲迺釣磻游。
雨雪何年夜，能容王子猷。

金州山人集

卷之三十一

一
四
經
堂
刻

...

...

...

